

Guangjisi Minzcu Bau

ganhhau: CN45-0036 B.2017 Nd.10 Ng.11 liggaeuq dingyoux nienz ndwenbet ngeihngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3294期

Cungzcoj Cauxguh Dieg Lijyouz Vwnzva Lizzij Vehbangxdad Seiqgyaiq

崇左打造世界岩画历史文化旅游目的地

Vehbangxdad Byaraiz Cungzcoj bauq yizcanj seiqgyaiq ndaej baenz le, hawj gizdieg ginghci ndaej bienq hoenghvuengh. Cungzcoj Si Lijyouz Fazcanj Veijyenzei mboengqneix gaisau, dangdieg yaek aeu vehbangxdad Byaraiz Dahcojgyangh guh haedsim, cauxguh “dieg lijyouz vwnzva lizzij vehbangxdad seiqgyaiq”.

Vehbangxdad Byaraiz Dahcojgyangh, dwg gunghyenz gonq 5 sigij daengz gunghyenz 2 sigij 700 bi ndawde, cojcoeng Bouxcuengh sengsanj youq ranghdieg Dahcojgyangh—Gij vehbangxdad veh youq diegsang bangxdad henz Dahcojgyangh vunz Loegvet senj haenx, gij vwnzva ginggvanh saenzgeiz vehbangxdad saek henjding hungloet caeuq bangxdad, dah caeuq diegdaiz doengzcae z gapbaenz haenx.

Bi 2016 ndwen 7 ngoenz 15, vwnzva ginggvanh vehbangxdad Byaraiz Dahcojgyangh Cungzcoj Si ndaej liedhaeuq 《Seiqgyaiq Yizcanj Mingzloeg》, baenz Cungguk dieg daih 49 seiqgyaiq yizcanj, dienzbouj gij hoengq Cungguk loih vehbangxdad seiqgyaiq vwnzva yizcanj.

Ciuq Cungzcoj Si Lijyouz Fazcanj Veijyenzei gaisau, dangdieg gaenq mingzdingh ranghdieg Dahcojgyangh yaek cauhlaeb aen dihi dinghvi “diegswngdi ndeu, lajroq ndeu, song yienghbanj, haj gihdi”, cauxguh diegswngdi lijyouz gozci, diuz lajroq youqgaenj lijyouz gozci diegswmou Cungguk—Dunghmungz, lijyouz dah caeuq yienghbanj doxgap lijyouz hamj guk denjfan, cauxguh dieg lijyouz vwnzva lizzij vehbangxdad seiqgyaiq.

Seizneix, Cungzcoj Si lienzhab aen donzdui Meiz Saiyenz bauxcauxnduj Cungguk byadah saedging yienjok cauxguh banhaemh youzcet yawjngonz vehbangxdad Byaraiz Dahcojgyangh caeuq daihgingz saedging yienjok hanghmoeg, gaenxmaenx doi-caenh aen bozvuzgvanj vehbangxdad Byaraiz, aen cungsim yenjyi Byaraiz, hwnjguh aenmbanj gaeuq Byaraiz caeuq aeu ginggih lijyouz 5A gaep gukgua cauxlaeb vwnzva ginggvanh vehbangxdad Byaraiz Dahcojgyangh.

Cungzcoj Si daezok, daengz bi 2020, cauxguh dieg ragoek vwnzva Cungguk Yeznanz, hwnjguh gukgua 5A gaep lijyouz ginggih; daengz bi 2025, cauxguh dieg lijyouz yizcanj vehbangxdad gozci, dieg gvaq ngoenzgyaj lijyouz gukgua gaep.

(Vangz Yenmeiz)



Sanhgyangh:

Mehmbwk Beij Dinfwnz Laisou Bang Vut Gungz

三江:妇女竞农技 增收助脱贫

Ndwen 10 ngoenz 9, Sanhgyangh Duncuz Swciyen banh “mehmbwk laeb goeng canjnieb vut gungz” bak bouxak doxdax gaeb bya haexnaz, 100 lai boux mehmbwk Mbanjdung youq ndaw naz Linzhih Cin Bingznganz Cunh aen yienh neix faen cuj doxdax gaeb byanaz, riengjret fad haex, angqhoh fungsou. Ndaw doz dwg gyoengq mehmbwk cingq doxdax gaeb bya.

(Vuz Lenyin/ 吴练勋)

Bingzgoj Ndaem Mak Bang Doi Vut Gungz Gungeng Ok Cingzcik Ndei

平果水果产业助推脱贫攻坚出实效

Geij bi neix daeuj, Bingzgoj Yen Swdangz Cin ciuq yenveij daezok gij guhhong lohnaemj “361”, baengh nungzyez lijyouz yawjngonz gingisaek hanghmoeg, dawz lwgmak dangguh canjnieb youqgaenj caeuq canjnieb fouq minz daengx cin, gya’gvangq diuzroen hawj vunzlai laisou.

Doigvangq binjcungj ndei. Aen cin neix gyalai ligdoh gajcauh mak canjliengh daemq yauqik daemq haenx, seizneix aen cin neix gaenq guhliux dawz binjcungj geq makit heih loenqdoek mbouj naih cwklouz gajndeiz swnggaep baenz makitvaiz, makityahwz daengj binjcungj ndei, maknongzgoet daj “ginhduh it hauh” maknongzgoet daegbied ndei cugyamq

ciemq yienzlaiz yungh vunz cienz faenj haenx, saedyienh mak canjnieb youz yiengh soqliengh yauqik yiengh yiengh caetliengh yauqik cienbienq.

Yawjnaek son’gyauq dinfwnz. Aen cin neix cujcz ranz dajndaem mak bae Vujmingz, Sihlinz daengj dieg yawjngonz hagsib, cingj lauxhangz mak daengz ndaw ndoeng mak banh ban son’gyauq, bineix daeuj, aen cin neix son’gyauq dinfwnz guzgan 100 vunzbaez doxhwnj, bouxndaemmak 500 vunzbaez doxhwnj, daengx cin bouxndaemmak ca mbouj geijlai cungj gaemdawz dinfwnz ndaem mak, byaij diuzroen canjnieb swnggaep, daegsaek hwnghat.

Bangfuz mak canjnieb dangguh gij haedsim yinvu bouxguhnaz demsou. Aen cin neix sonyinx vunzlai hwnghat ndaem mak, caemhcai damqra youq gyan suen makgamdiengz, makgaivaiz, maknongzgoet daengj dauqndaem ginhcenzcauj daengj go ywdoj, cietsaed gajgez gij vwndiz mak nanz baenz, raenyauq menh, caenhithouh daezswng yungh ndei diegnamh.

Ciuq cam rox, seizneix aen cin neix gyoeksuenq ndaem makit 13341 moux, makgam 6540 moux, maknongzgoet 1300 moux, makcaujheu 270 moux, bouxvunz bingzyaenz souhaeuq 2000 lai maenz.

(Vangz Sudingz)

SIUSIK DINJ

简讯

● Ndwen 10 ngoenz 8, aen vujdonz bingraemx Yungzanh Yen haiguh aen cawjdaez dwg “daengx beksingq lienhdang fouxdoengh Yungzanh angqcoux Cibgouj Daih dangj” hozdung, ca mbouj geijlai 200 boux bouxgyaez diufoux ndang daenj buhvaq bing daenj mauhbeileiz, yungh gij hingzsik lieddoih gapbaenz cihsaw “angqcoux Cibgouj Daih” hung, yungh neix angqcoux Cibgouj Daih dangj hai ndaej ndei.

(Danz Gaijhingh)

● Ndwen 10 ngoenz 7, Yungzsuij Myauzcuz Swciyen Ganjdung Yangh Mbanjavmah Mbanjmyauz banh “lwgmanh Vahmah doxdax”, 40 lai boux mehmbwk Myauzcuz daiq lwgmanh gag ndaem haenx, camgya lwgmanh senj gyaeu doxdax caeuq roix lwgmanh doxdax. Lwgmanh Vahmah dwg gij dwzcanj conzdungj Mbanjavmah Mbanjmyauz ndaem okdaeuq, aenvih noh na rangdiemz, manh habngamj, ndigah ndaw yienh rog yienh mizmingz.

(Lungz Dauh)

● Ndwen 10 ngoenz 9, Gungcinghdonz Vanzgyangh Mauznanzcuz Swciyen Veijyenzei youq Vanzgyangh Gauhcungh haiguh ciengz hozdung “seizcoz yaprongh · fapldw henhoh” mbouj doengz gaiq wng he, doenggyaq cungj hingzsik bouxcoz nyezrauh haengj dingq gyaenz yawj neix, demgiengz gij fapldw yisiz hagseng, hawj bouxcoz nyezrauh “hag fap, rox fap, souj fap”, yinx ndaej haujai hagseng aen hagdangz neix daengx din yawjngonz.

(Veiz Yui)

● Geij bi neix daeuj, Lungzlinz Gak Cuz Swciyen souj ndei swnghdai caeuq hwnghat “song diuz daejsienq”, damqra ok “swnghdai laeb yienh, saekloeg hwnghwnj” cinjcing bangfuz lohnaemj, sonyinx vunzlai giethab dangdieg swnghdai vanzging, haenqrengz dajndaem makdauzmizhouz. Dangdieg yungh gij hingzsik “gunghsw + hozcozse + ranzungzhoj”, dawz cwnghfuj bangcoengh, bouhmonz sonyinx caeuq hawciengz dox giethab, haenqrengz bangcoengh vunzlai gungzhoj laisou baenz miz.

(Vangz Yungzdanh Siz Meizlanz)